

全
邊
略
記

全邊略記卷之三

桐城方孔炤潛夫隱

宣府略

洪武元年。忠武王遇春。常破虜於漠北。卽於元之上
都。設開平衛。守之。置驛。東則涼亭。沈河。賽峯。黃厓。接
于大寧。古北。西則桓州。威虜。明安。臨寧。接于獨石。獨
石者。宣德府之東北境也。山川糾紛。地險而狹。氣勢
完固。素號易守。時

高帝勇于北伐。思無寧晷。穎川侯友德。傳平山西還。直

攻宣府。逐其將脫列伯。暫以略地。三年曹國公文忠。
李率大師出野狐嶺。降其守將察罕腦兒。擒其平章
竹真。次白海之駱駝山。元太尉蠻子。平章沙不打朶
兒只八刺等拒戰而敗。進攻紅羅山。楊思祖等降。遂
次開平。獲元平章上都罕等。四月八日。元君姐於應
昌府。文忠襲克之。獲其嫡孫買的里八刺及后妃諸
王。金寶玉冊大圭玉斧。元太子遁焉。過中興。禽元將
唐國公。降其衆三萬。又追太尉蠻子。軍禽元平章伯
答兒剌庭。遂空是役也。指揮孫虎戰殞于洛馬。文忠

捷至。百官稱賀。上諭中書省曰。元雖夷狄。主國將百年。朕與卿等。父祖皆賴其生養。氣運興亡。于朕何與。爾習浮侈之詞。豈可令有識者見之。凡北方捷至。會仕元者。不得稱賀。乃徙其民于關內。二十六年。始置萬全都司。統衛一十有九分五路焉。時虜孽王保保多寇秦境。而大軍之東出薊西。出鴈門。貢相望于道。故宣府亦少輯。永樂間。定鼎既北。儼然天子自將待邊。天壽辰之鎖鑰特重。而開平興和東勝爲之外邊。橫五百里。蓋其規模弘遠矣。二十年。命英國

公輔

張

等同六部官議北征餽運。輔等議分爲前後

運。前運隨大軍行。後運稍後之。總者三人。隆平侯信

張

尚書李慶。侍郎李杲。車運驢運。各分官領之。領車

運者。泰寧侯愉。

陳

都御史王彰。及都督御史郎中等

官三十六人。領驢運者。鎮遠侯興祖。

顧

尚書趙玚等

三十五人。後運惟車輛。總督二人。保定侯謨。

孟

遂安

伯瑛。

陳

副者二十七人。共用驢三十四萬頭。車十一

萬七千五百餘輛。挽車民二十三萬有奇。運糧凡三

十七萬石。三月阿魯台寇興和。殺守將王煥。上遂

決意親征。戒誓將士。諏日啓行。駕及鷄鳴山。虜聞之。夜遁。四月。次龍門。雲州。閱兵。顧謂侍臣曰。今從征士。皆各簡擇來。不閱習。何以御敵。兵法以虞待不虞者。勝。又曰。設備於已失之後者。非上策。朕慎重不敢忽。五月辛酉。端陽。駐蹕獨石。賜隨征宴。乙酉。車駕渡偏頭。命將士獵於道旁山下。上顧從臣曰。朕非好獵。馳馬揮戈。振揚武事。作其驍勇之氣耳。丁酉。大閱諸將。曰。兵行猶水。水因地而順流。兵因敵而作勢。水無常行。兵無常勢。因敵變化取勝者。謂之神。今

先使之習熟行陣。猝遇寇麾之左則左。右則右。前則前。後則後。無往不中節矣。戊辰觀士卒射。一小旗三發皆中。賜牛羊鈔碗。上曰。賞重則人勸。是日。上親製平虜之曲。俾將士歌以自勵。庚午召英國公輔張等。令就營中馳射。上親觀之。惟張輔柳升陳懋連中。餘或半中。孫亨不中被罰。罷其領兵之任。張信托病不至。降克辦事官。上謂諸將曰。爲將之道。勇智貴兼全。弓馬便捷。所向無敵。勇也。計算深遠。無所遺失。智也。智勇全而後可以建功業。勇而無智。一卒

之能。汝曹勉之。辛未。車駕發隰寧。次西涼亭。西涼亭者。故元往來巡遊之所。上望其頽垣遺址。樹木鬱然。謂侍臣曰。元氏創此。將遺子孫不朽。豈計今日。書云。常厥德。保厥位。厥德靡常。九有以亡。可爲殷鑒。因下令禁伐木。癸酉。車駕發西涼。次閔安。下令軍中牧放樵採。皆不得出長圍之外。時營陣大營居中。營外分駐五軍。建左哨右哨左掖右掖以總之。步卒居內。騎卒居外。神機營在騎卒之外。神機營外有長圍。各周一十里。上顧侍臣論用兵之法。因召諸將

論曰。兵法云。多算勝。少算不勝。蓋用兵之際。智在勇先。不可忽也。馭衆之道。部伍整肅。進退以律。然必將帥撫士卒。如父兄於子弟。則士卒附將帥。亦如手足之捍頭目。乃克有濟。至于同列。須和一隊當敵。則各隊策應。左右前後。莫不皆然。譬如舟行遇風。齊力以奮。雖險靡不獲濟。爾等勉之。六月。開平報虜復攻萬全。上召諸將問計。皆曰。宜分兵還擊之。上曰。不然。此詐謀也。虜慮大軍逕擣其巢穴。故爲此牽制之術。然其衆不多。知大軍北行。已喪膽。况敢攻城哉。不

足慮。七月次殺胡原。前鋒獲喋者。言阿魯台聞車
駕親征大懼。盡棄其馬驢牛羊輜重于潤藻海之側。
與其家屬遠遁。乃發兵焚其輜重。收其孽畜。遂命班
師。召諸將諭曰。所以羽翼阿魯台爲悖逆者。兀良哈
之寇也。當還師剪之。遂簡步騎分五道疾進。至屈列
兒河。虜衆驅牛馬車輛西奔。上麾兵進擊。斬首數
百級。餘衆潰走。追奔數十里。抵其巢穴。擒斬虜酋數
十人。盡收人口牛羊駝馬十餘萬而還。九月車駕
還京師。二十一年七月車駕復北征。次於宣府。時

虜中有來降者。言阿魯台將犯邊。上召諸將諭曰。

朕當出兵先駐塞外以待之。虜不虞吾兵已出。因而擊之。可以成功。遂部分諸將。寧陽侯懋陳等爲先鋒。

車駕遂次宣府。九月朔。駕次沙城。虜中阿失帖

木兒古納台等率妻子來降。言阿魯台今夏爲瓦剌脫觀所敗。掠其人畜殆盡。部落潰散。無所屬。今聞天兵復出。疾走遠遁。豈復有南意。授阿失等俱正千戶。十月。駕次上莊堡。韃靼王子也先土干率衆來降。時前鋒寧陽侯懋探知虜在飲水河北。爲瓦剌所敗。

迨至宿嵬山口。遇也先土干率妻子部屬來歸。懋引入見。上喜。謂羣臣曰。遠人來歸。宜有以旌異之。乃封爲忠勇王。賜姓名金忠。以其甥把罕台爲都督。其部屬察卜等七人。皆爲都指揮。餘爲指揮千百戶所鎮撫者。復數十人。十一月。駕還京師。賜金忠誥命。鍤券金印。玉帶金百銀四百紵絲五十紗羅綾各二十牛百羊五百米百。及第床褥薪芻器用咸備。歲給祿米千石。別賜其妻金銀等物各半之。賜把罕台察卜等各以等第給之。二十二年正月甲申。勅緣邊

諸將整兵候北征。初忠勇王金忠來歸。屢言阿魯台弑主虐人。衡天逆命。數爲邊患。請發兵討。願爲先鋒自効。上曰。卿言甚善。事須有名。至是大同開平守將奏阿魯台所部侵邊。上乃召公侯大臣議。且告以忠勇王之意。羣臣皆請從。四月己酉。車駕發北京。命寧陽侯懋忠勇王金忠爲前鋒。五月次長樂鎮。楊榮金幼孜侍。上曰。漢高祖過柏人。慮迫於人。今朕至長樂。思與天下同樂。何時而庶幾也。榮等對曰。聖志如此。天必助順。車駕次清鎮。卽元應昌路。

次清水源。阿魯台遠遁。上召榮幼孜曰。朕夜夢神人告朕。上帝好生。如是者再。是何祥也。豈天意屬茲寇乎。榮幼孜請赦其不臣。班師還。上曰。此朕意也。遂遣中官史力哥往虜中。諭其部落來歸。六月。車駕次答蘭木兒河。彌望惟荒塵。埜草虜隻形不見。先鋒陳懋金忠引兵抵白邛山下。咸無所遇。以糧餉不繼。乃命班師。七月。駕次翠微崗。上御幄殿。諭榮幼孜曰。東宮歷涉年久。政務已熟。軍國事悉以付之。朕優游暮年。享安和之福可乎。榮幼孜對曰。東宮

孝友仁厚。天下屬心。允稱。皇上付託。上悅。十六日巳丑次蒼崖戍。上不豫。次日次榆木川。上大漸遺命傳位。皇太子十八日辛卯。上崩。八月。皇太孫至雕鶚堡。遇梓宮。哭迎。軍中始發喪。十日壬子。梓宮至京師。讀史者惓惓然謂大寧枕後之割。貽神州憂也。夫豈四駕皇皇。顧慮不及此。掃三衛。奠萬年。自是反掌間事。而鼎湖遽慟。令人遇密抱恨。無終窮云。洪熙初。勅宣府總兵譚廣曰。去冬以來。動靜無聞。朝廷所遣使。亦久不還。此寇竟在何處。

頃長安嶺指揮塘報。韃賊五十餘抵隰寧者。是何部落。遼東亦奏兀良欲求市馬。又哈密近貢疏黃。從前不聞哈密產此物。緣此數端。皆須脩猝慎之慎之。宣德四年虜寇西衝山。掠赤城人口。屯揮使方敏率兵追之。盡得所掠。且獲賊馬而還。上勅論軍法于烽堠之疎者。廣奏乞神鏡分布堡間。上曰神鏡內廷所重量給以壯軍威。至于將士不律。兵器雖多。亦奚以爲。勉思良策以付委畀。廣乃審度邊堡凡三十九處。處處益兵半百。先自北邊從懷安西陽河至永寧四

海冶山口。凡四十四處。可通人馬者。多則百人。少者
三五十人。而指揮李璟復請因益之。正統初。戶郎中
羅通與萬全都司議。赤城雲州。鵬鶚等堡。地臨邊境。
官軍本爲守禦。而今令之運草。警至何措哉。遊擊楊
洪所領旗軍。俱丁多有力。餘丁旣無別差。乞採秋青。
飼秣有備。可之。總兵廣奏言。馬林賓于要害。而堡宜
稍遠。以孤山二堡併之。新河西陽河二堡亦要害。宜
摘發萬全懷來二衛以益之。常峪臺齊山臺相距遠。
甚。增築一臺。而馱軍牝馬中駒。欲比例換壯馬于太

僕。瞭軍增爲兩班。共十二人以節其勞。從之。九年。
勅獨石將楊洪。大同帥朱冕。與廣出境殺賊。或遇瓦
剌貢使。宜明諭討兀良哈之敗盟也。免其驚疑。十年。
宣大都御羅亨信言。宣至懷來幾二百里。空濶別無
所城。酌移保定美峪。合爲一城。而東分山道之西。名
棒槌谷者。虜每牧于此。宜於榆林驛東增一衛。立一
關。又京城抵居庸。寥濶無人。乞于中榆河設衛。亦貢
路所瞻也。詔榆河如故。餘從所請。楊洪旣掌大帥。
乃奏宣軍一萬三千五百餘。堡隘一十四處。內白羊。

六堡似非要地。乞併歸于西陽洗馬孫家新開野狐。皮之便。柴溝萬全。互調非宜。其兵各還本衛操之。至于火器。定許邊方自造之便。悉可。迤北瓦剌使臣至宣。致脫脫不花及也先之書于洪。洪以聞。旨人臣無私交。以禮相敬。折其心則善矣。時洪爲虜所憚。故輒自遺脫。意可以啗云。迤北韃靼阿兒脫台來歸。自言居也先帳下。與平章克來若出有啣。恐見害。故來歸。因言也先謀南侵。強其王脫脫不花王。王止之曰。吾儕多資大明。何負于汝。天道不可逆。逆之必缺也。

先謂王不爲。我將自爲。亦足以逞。上命官以南京
錦衣衛。初。朝廷亦遣使至瓦剌。瓦剌留之。次年虜
使同至。以爲常。貪婪無厭。財幣歲增。又索其貴重者。
而。我。所。遣。使。阿。媚。虜。意。多。許。少。與。虜。遣。初。百。人。復。遣。
三。千。而。虛。冒。其。餼。會。同。館。按。驗。不。實。者。虜。懷。啣。之。至。
是。有。誘。羣。胡。大。舉。十。四。年。七。月。也。先。大。舉。入。寇。大。同。
兵。失。利。邊。塞。城。堡。多。陷。沒。聲。息。甚。急。太。監。王。振。不。與。
大。臣。議。挾。天。子。帥。師。親。征。百。官。伏。闕。上。章。懇。留。不。
從。是。月。十。七。日。駕。行。太。監。金。英。輔。郕。王。居。守。文。

武大臣皆匆匆隨行。官軍及私屬共五十餘萬人。出居庸關。過懷來。至宣府。連日非風卽雨。人情恟恟。聲息愈急。邊將井原等敗報踵至。隨駕文臣連上章留之。振怒皆令掠陣。未至大同。兵士已乏糧。僵屍滿路。寇亦設備待我。深入至大同。振又欲進兵北行。益急追脇成國公朱勇。膝行聽命。戶書王佐竟日跪伏草中。惟欽天監正彭德清斥振曰。象緯示警。不可復前。若有疎虞。陷乘輿于草莽。誰執其咎。學士曹鼐曰。臣子固不足惜。主上繫天下安危。豈可輕進。振怒置

之曰。倘有此亦天命也。會暮有黑雲如繖營。雷雨大作。滿營人畜驚懼。振惡之。會前軍西寧侯瑛。宋武進伯冕。朱全軍覆沒。鎮大同中官郭敬密言于振。其勢決不可行。振始有回意。明日班師。大同副總兵郭登謂駕宜從紫荊關入。庶保無虞。振不聽。八月既望。我師敗績于土木。上北狩。先數日。師過鷄鳴山。虜追至。遣朱勇率兵五萬禦之。勇無謀。進軍鷄兒嶺。虜于山下兩翼邀阻夾攻。殺之殆盡。兵尚書鄺野請車駕疾驅入關。而嚴兵爲殿。振怒曰。爾豎儒安知兵事。

次日駕至土木。日尚未晡。去懷來城二十里。欲入保懷來。振輜重千餘輛在後未至。留待之。遂駐土木。傍無水泉。十四日欲行。虜已逼四面合圍。大營不敢動。十五日將午。人馬不飲水已二日。渴極掘井深二丈。無水。虜見我營不行。僞退圍。遣使持書來通和。召曹鶴草勅與和。遣二通事與虜使偕往。振急傳令移營南行。既行未三四里。虜復四面追之。兵士爭先奔走。行列大亂。勢不能止。虜騎跳陣而入。奮長刀以砍我兵。大呼解甲投刃者不殺。衆裸袒相蹈籍死蔽野。

塞川宦侍虎賁矢被體如蝟毛。上與親兵乘馬突圍不得出。虜擁以去。百官死者英國公輔張尚書鄺野王佐學士曹鼐張益而下數百人其幸免者蓬頭赤身踰山墜谷。連日饑餓。幸得達關。驟馬二十餘萬。并衣甲器械輜重。盡爲胡人所得。十七日北狩報至京師大震。是日皇太后遣使齎黃金珠玉袞龍段帛駝以八馬詣也先營請還車駕。時石亨將兵守萬全。坐不救乘輿械繫詔獄。赦出之。使總京營兵馬退虜贖罪焉。九月邸王卽位。以于謙爲兵尚書也先

使來書辭悖謾。謙泣曰。賊虜不道。氣滿志得。將有長驅深入之勢。邇者各營精銳。盡沒于隨征。資器罄矣。急遣召募舍餘。集民夫。替漕卒。悉隸京營。練之。九門之督。則委孫鏜。分巡之役。則選給事王誼等。徙郭外民于城內。通霸倉。悉令伍卒關支之。上嘉納行。先是內侍喜寧。胡種也。土木之敗。降也。先告以虛實。遂爲鄉導。十月朔奉。上皇入紫荊關。與其可汗脫脫不花來。敗我師。殺指揮韓清等。都御孫祥走死。舉朝洶洶。太監金瑛與廷臣問計。侍講徐瑄倡言南遷于

謙疏爭曰。京師天下根本。宗廟社稷陵寢在焉。百官萬民在焉。一動則大勢已去。一步不得離此。瑛是謙言。上榜示敢言南者。斬固守之議。始決。謙不待詔。遂焚壩上諸草場。勿資虜也。初九日。虜長驅至京城西北關外。焚我長獻景三陵。命石亨軍于城北。于謙督之。孫鏜軍于城西。侍郎江淵叅之。皆背城而陣。以交趾舊將王通爲都督。與都御史王善守城。時衆論戰守不一。陳循等言兵敗之餘。宜固守。且賊乘遠來。勢必難久。可伏兵歸路擊之。尚寶司丞夏瑄

陳四策。謂虜乘勝遠關。其鋒不可當。然能野戰。短于攻城。且堅壁勿戰。使進無所得。退復氣沮。然後出奇設伏。諸道奮擊。破之一。謂虜深入吳地。宜令死士夜襲其營。令各伏內地。以待追者。一謂虜既舉國入寇。邊無所禦。宜調邊兵之半。入捍京城。內外夾攻。彼將自潰。一謂我軍依城爲營。進兵死關。退有所歸。宜嚴號令。以堅其志。如以三隊爲法。前隊戰退。令中隊悉斬以徇。容而不斬者同罪。則士畏法而不畏敵矣。一詔趣行其策。虜既抵城下。連日攻城。四散抄掠。亭等

與之戰。殺傷相當。虜知我有備。少沮。喜寧嗾也。先遣使來議和。索大臣出迎。駕衆知其詐。以通政司叅議王復爲禮部侍郎。中書舍人趙榮爲鴻臚寺卿出迎。復等至虜營。露刀夾之。見上皇及也先也。先謂爾等皆小官。可令胡濙王直于謙石亨楊善等來復辭歸。上皇諭二人曰。彼無善意。爾等宜急去。二人方回。而虜復縱騎四面標掠。攻城益急。石亨挾弓厲聲曰。宰相不出計策。莫能及矣。先是陳循等疏請勅宣府遼東總兵楊洪曹義各選勁騎與官軍夾擊。至

是又請爲聖旨榜文數道。諭回回韃靼及漢人。有能擒斬也先來獻者。賞萬金封國公。復寫書作喜寧與司禮太監興安云。約誘也先入寇。定乘其孤軍。合兵勦殺。詔許之。爲也先邏卒所獲。旣而宣府遼東兵至。我軍大振。石亨與其從子彪等挺刀持巨斧突入虜陣。所向披靡。管神機營都督范廣以飛鎗火箭殺傷甚衆也。先連夜遁。復以上皇北去。是月十五日也。脫脫不花聞之。遂不敢入關。亦北遁。二十二日遣都督洪孫鏜范廣等率兵二萬擊餘虜之未去者。

遂破虜于固安。逐至關。盡殲之。奪回人口萬餘。其實胡人不過百餘騎。散掠各郡。驅人畜以自擁衛。望之若萬衆。然猶殺官軍數百人。洪子俊幾爲所殺。俊先守脩獨石馬營。聞變棄城而八城皆陷。後謙戮之。兵員外羅通奏記。居庸關之當守也。懷來等大小關可通人馬者七。宜各增千人守之。不通馬而僅通人者二十有九。宜各增百人至是通則守之。俊則逃矣。宣大撫羅亨信乃正逃將之罪。曰。赤城之鄭謙。徐福。鴈鵠堡之姚瑄。咸于七月先賊而棄城。以致懷永效尤。

乞正律以創不忠者。從之。時大臣有奏留邊將守京師者。兵科給事中葉盛上言。今日之事。邊關爲急。往者。獨石馬營不棄。則六師何以陷土木。紫荆白羊不破。則虜騎何以薄都城。卽此而觀。邊關不固。則京城雖守。不過僅保九門無事而已。其如陵寢何其如郊社壇壝何其如田野之民荼毒何。宜急遣固守宣府。居庸爲便。從之。先是土木旣敗。邊城多陷。官府孤危。旣而朝議復召宣府總兵官率兵入衛京師。人心益皇皇。或欲遂棄其城。衆紛然爭就道。都御史

羅亨信不可。仗劍坐當門拒之。下令曰。敢有出城者。手斬之。衆始定。城中老稚懽呼曰。吾屬生矣。因設策。捍禦督將士誓死以守。虜知有備。不敢攻。北門鎖鑰。賴以保全。亨信之力也。景泰元年。宣儲侍郎劉璉上言。頃者邊軍避虜棄城。咸伏于朝陽門外乞命。昌平戾洪楊取勘起發。委能者撫之而來。勅亨洪往宣大哨邊。於是洪奏懷來永寧雷站軍。宜一千人守城。三千人耕種。二千人哨防。二邊屯丁。爲賊所驚。廢其耕穫。亟可招徠之。八月二日。都御史楊善等至虜。

營也。先遂設宴爲上皇餞。初八日。上皇駕起也。先率頭目羅拜而別。伯顏以兵護行。十一日至宣野狐嶺。伯顏等慟哭曰。帝去矣。何時得相見。命五百騎送至京。十四日。駕至懷來。將抵居庸。禮部始得旨集議迎復儀注。戎政條上防變之略。十五日。上皇至唐家嶺。遣使回京。詔諭避位。免羣臣迎。十六日。百官迎於安定門。上皇自東安門入。至南宮大赦天下。宴瓦剌使於奉天門。翼日。上皇宴之南宮。陞賞瓦剌使人有差。劉定之曰。己巳中秋之狩。庚午中。

秋之還。亘古所無。幹旋乾坤。何其神速哉。王鏊曰。是時。邸王監國。不欲急君。邊人曰。中國有主。虜抱空質。而負不義于天下。所以汲汲懷歸。蓋合鄭公孫申之謀也。兵書謙奏。賊寇稍退。所在糧儲缺然。請勅山西附運于大同。勅龍門遺運于宣府。或發價以時糴。或減商中以米數。下戶部議。宣地價平如舊。同地商鹽。每引減米豆一斗。卽得其平。報可。十月。朱謙誤報警至。已而察之。乃也。先使臣也。于是降旨責之曰。直使之來。尚不能審。況大寇猝至。豈能復料。強然耶。姑

宥爾愆。其務哨實。都督董斌。瞭見境外。猫峪烟火。引
兵還府。降勅責之。年來獨石洗馬諸處。倉儲燬八萬。
朝廷旣責守者罪。復遣戶部張勛。赴口外籌之。或撥
之屯。或移之食。或藏之地。期絕于棄毀之策。四月獨
石城門爲虜所燒。卽勅石彪率軍三千馳之。錦衣
畢旺率旗餘一萬。運芻付之。各賜一金一布。時虜僅
百騎入。而內廷留心如此。然邊帥每多冒焉。偶韃
騎五人。奪糧于洗馬營。其一墮馬。爲倉丁所擒。而督
斌輒稱出口。遇虜戰禽之。巡撫劉璉暴其僞。斌自輸。

而宥之尚書石璞言口外赤城鵬鶚季莊三堡池城
鼎足最要。往年守將擅棄之。而季莊尚有舊糧五萬
石。詔總兵洪委官更代之。而賞三堡新戍之卒各
三百文。都御李秉曰。軍冊之有妻者。註曰家小。其父
母兄弟而無妻者。則以隻身減其廩。似應覈實之。使
其親屬有賴。邊之有墩也。爲其遠苦也。近乃有邊墩
腹墩。勞逸已分。而月餼均一。豈稱事哉。軍家屬之給
布也。半布半花。乃遇布貴花賤。則怨憎起于道。永樂
間夷馬之來。會官辨驗。其不堪者。令于境外草地牧

放正統以後。附城駐牧。開其地利。窺伺之心。而額芻
分給于夷馬。又易涸之源也。戶部議兩淮鹽商。召于
宣府。納豆及草。豆每引六斗五升。草每引三十束。一
月納限不次支鹽。從之。時北虜以剽掠男婦易糧米。
朝議大口米一石。小口米五斗。虜不從。都御史李
秉曰。是重物而輕人也。每口與米一石。總兵官以爲
礙例。秉曰。何忍使吾赤子爲夷。專擅之咎。吾任之。悉
與如數。後聞帝以秉爲能。先是獨石馬營等八城。
遇虜失守。殘毀未復。議者欲棄之。于謙曰。棄之則不

但宣府懷來難守。京師不免動搖。乃薦都督孫安授以方略。命葉盛贊其軍。盛至列其利害。仍爲八條以進。次第行之。與安率兵度龍門關。且戰且守。八城完復如舊。盛又請官錢五千兩。買牛千餘頭。摘戍卒不任戰者。俾事耕稼。稅課餘糧于官。凡軍中買馬除器勞功恤貧諸費。皆于是乎取給。盛在獨石五年。邊人賴之。叅將楊信奏瓦剌先遣察占二千餘人貢矣。也先續又遣百五十人。又朶顏衛朶羅干遣反搭兒七名入境。又遣阿力九名過懷。通好爲名。心誠詭也。五

年叅將夏忠奏萬全附郭膏腴地。可派屯田軍餘耕墾。納子粒于官。下部議行文量。以清占種者。叅政葉盛出境。巡禽達賊十二人。械于法司。則泰寧民也。至是泰寧督革于帖木兒貢馬求贖。而盛已上首功矣。諫臣具彈文。上報曰。盛等振或遐方。姑置之。其人已安置。不必求還。成化元年。撫臣葉盛申奏。先年原買官牛五千有奇。已多死者。今以餘糧補之。分爲一千八百餘具。年雖有旱。亦頗收成。往年乏馬。括之貧軍。今缺馬二千六百。而所買反千餘。則官府不煩督

責之勞。軍伍不知償追之苦。此皆公田買犢之明效。
然立法非難。守法爲難。上曰法旣良矣。允宜遵行。
五年。勅宣府選兵三千。赴遊擊將軍許寧而都御
鄭寧欲挑之獨石。獨石叅將李剛爭之。獨石孤懸絕
漠。東西延袤六百餘里。控宣屏懷。去胡咫尺。况地苦
寒。士卒多逃內地就食者。宜壯外以衛內。未聞撤唇
而補齒也。兵部以聞。詔調還其軍。且蒐補其逃亡
者。宜龍門草場五十七萬四餘束火。有司獲縱火者。
于法司擬棄市。藉其家貨抵之不足。則于監守者取

之。榜示各邊爲懲。十年都御史鄭寧奏虜已遠遁。請
還京軍一萬。而留其三千。總兵趙勝亦以爲全師置
餉。量留三千可也。上曰虜息果定。來聞處畫分守
萬全。叅將周賢奏所屬士馬數少。以警調發他兵。徒
費餉而不能久。今選所屬舍餘千人。膂力過人者多
矣。乞聽支糧月一石。器甲畀之。上下有脩。詔可。十
二年獨石將李剛言北虜之藉朵顏爲鄉導也。烏合
之勢。外附內疑。覘其聚寇。預施反間。故爲朵顏密約
之辭。布于虜所。必經之地。誘今入境。反相攻。搆貳其

心。分散其黨。部議懷遠以仁。伐叛以義。不用他道。以倖成功。兵家所慎。莫密于間。竊恐機事先露。勿墮其奸。撫院殷謙奏萬全右衛西至虞臺嶺。東至黃土坡。悉虜衝。而懷安順聖川屏障漠然。則土牆宜築也。宣袤一千八百餘里。而客兵多無固志。乞以河南班卒。永實于萬全。而懷來軍匠向年取入京中充發。可請發回。然部議竟不與。以河南之卒。卽軍匠占役久矣。起送實難。其掣肘類如此。十四年獨石脩繩律。奏虜之入。瞭遠墩也。躬率與戰。殲賊數人。久之叅將李剛

遭挫于賊亡卒損馬。太監弓勝前亦扶同奏之。旣而
曰虜止千騎。而剛等虛張至萬。以致此敗。宜治其罪。
旣荷恩貸。乃以實聞。總兵周玉塘報。叅將吳儼。少監
崔榮。出山泉墩圍賊中。而逸歸者。亦云。亦思馬因等
與小王子連兵而至。上勅汪直徑率輕騎合勦之。
直至懷來。奏虜騎千餘入境。而太監廖亨亦奏新開
之失機。武勇等戴罪自贖。儼榮之追賊于赤把都也。
爲虜所遮。據山而困遊軍。劉寧逗留不進。而守脩張
璠亟援之。圍解其二。至夜儼榮潰圍而北遁。上乃

犒澄等羊酒。而逮儼榮罪。時汪直王越乞班師。兵部復爲之請。上悉不允。十九年宣撫秦紘報賊六千蹂躪西河內地田禾。周玉與臣遇擊斬首九級。是役雖折首無幾。而虜自大同得利。長驅順聖大掠。而紘能躬冒矢石。與玉犄角。賊乃奪氣去。紘又報虜騎駐新寧口肆掠。與張澄等分三部而追之。至常梁我駐南山虜陣于北山。斬級五乃奔。總兵王報賊深入順聖分抄。乃會大同士馬分截之。劉寧駐古城。玉等駐定安。丁銘駐大柳。李雄駐漫流。都廣駐東井而軍焉。

雄戰于趙石。廣敗其騎于五岔。伏發得首五十級。上賞奏捷人一束鈔千貫。二十二年。巡撫李岳奏。朶顏以報事爲名。乞求鹽米。入春以來三十餘次。請鈐其頭目。上曰。虜稱報邊。不必阻之。暗備之而已。宣之有團種屯糧也。舊制沿邊官地。聽軍協力墾之。以所收租于官庫。易銀買馬。邊軍賴之。厥後余尚書子俊。改充邊儲。止給三千爲馬價。士多逃者。至是戶部請以團種盡給買馬。詔可。弘治十年。戶侍劉大夏奉整理邊儲之命。復奏曰。宣府地險積寡。已于東城置

倉數十。未有以實之。而順聖川肥饒屯園之外。尚多私占。請令撫按清之。其承佃者。每分額外量與餘田。勿令過二十畝。其清歸之畝。約科糧三升。草一斤。東西二城并蔚州屯料俱納于新倉。如不足。則萬全於農隙自運之。如不足。則儲價糴之。若懷來城尤宜置廠預蓄。不得他借。從之。大夏將行。尚書周經謂曰。北邊糧草半屬京中。貴人子弟經營。公素不與此輩合。此行恐不免剛以取禍。大夏曰。處天下事。以理不以勢。定天下事。在近不在遠。俟至彼圖之。旣至召邊上。

父老日夕講究。遂得其要領。一日揭榜通衢云。某倉
糧缺幾千石。每石給官價若干。封圻內外官民客商
之家。但願告報者。米自十石以上。草自百束以上。俱
准告。雖中貴子弟。不禁也。不兩月。公有餘積。民有餘
財。大夏尋以病乞歸。邊人歌思之。十三年虜頻年多
。踰大同。自六月後散入宣。西陽河諸處。堡兵拒之。被
傷而去。都御史雍泰疏有功者百六十八人。請給賞
。勵從之。十四年太監苗達檄召宣大。選邏卒二百五
十人赴綏。偵火篩之。造筏東渡者。總兵張俊持之不

可達効俊違節。下部覆延之地利夷險。非宣人所請。俊議是也。上宥之。十八年虜大舉寇宣。營于牛心黑柳長澗二十餘里。都御李進都督張俊分兵禦之。李稽軍新開口。白玉軍萬全右。張雄軍新河口。黃鎮穆榮軍柴溝。合萬五千人。旣而虜由新開入。各相拒于虞臺。軍爲所誘而援不至。大帥俊墜馬傷足。力疾持三日糧。乃解泰園。稽亦潰圍而出。雄榮阻山澗中。遇害。是役也。死者二千餘。傷者如之。所掠不可勝計。說者謂乙丑之禍。幾與己巳等也。時虜至城下。出懷

中餅及麻布冠。示人曰：此何物也？蓋私謀入長安。知國有大故，關禁之失，譏如此。命太監苗達保國公暉。朱都御史史琳、太監張林、都督李俊、神英、陳雄、張澄各領京軍二萬人以往。戶侍王儼往督糧儲。兵部上賞格，以示能殺賊者。鄉丁斬首五級，陞所鎮撫。其輜重充賞不問。更募土著之願効者，人給三金及馬器。特編一伍。事寧，歸農者聽。報可。給事中尚衡言：命將出師，復以朱暉、史琳此兩人者。嘗兩總宣榆兵事，未見尺寸。邊人聞此，嘆爲無人。况虜姦于行間，非昔者。

比器仗架梁之法。以奪于國中者。倣于國中。善偵虛實。無有不先者矣。部僉謂主幾八萬。客已二萬。果能推誠仗義。未必不効。于是仍勅達等。勵氣以須。正德元年。王儼乃至宣。勘其平行。故屯之地。爲京僧陳乞者十餘處。乞宜清覈。仍給于屯。其官軍折色。當因地遠近。通爲三等。然後輕重得平。詔如議。六年。虜寇龍門右。監丞趙英指揮王繼戰而死。贈蔭有加。七年。流賊劉六之起。霸州也。京師戒嚴。近臣密獻計者。京軍不習戰陣。宜調宣大邊軍各三千入衛。而遣京

衛如數戍邊。更番如例。內閣東陽李等力辯以爲不可。乃陳十不便狀。上以內降傳旨取之。遊擊江彬因而得寵。時宣兵已調千人赴征。戍河間。已又調三千人衛部。議仍以京操者還守宣。而停延綏之募發。以護大同。上命咸寧侯仇鉞統六千人以往。九年虜入順聖。遊擊張勛田琦廉彪戰死。頃之四萬人宣西海子。令總制侍郎叢蘭兼調大同遊奇兵待之。時小王子連營分寇天城懷安。叢蘭告急。命太監張永提督之。白玉掛印發京營二萬人。太監張忠凡叅

隨各四五百人。詔賞之人給二金。司計者莫之敢
抗。禁旅未出。輦下坐耗已十餘萬矣。虜之犯寧武者。
直入白羊口。浮圖峪。而五萬騎自宣新開而入。白玉
等領兵潛擊之。使人于田家炊飯。置藥其中。更設伏。
置礮于天城陽和間。虜多掠食中毒。被伏而殞者甚
衆。凡斬首五十。捷聞。張永等撤師還營。其調戍者暫
罷之。十一年虜入白羊。報甚喝。諸謁陵者還自昌
平。老幼扶攜。相迫于道。守關者獲間諜一人。僧法順
者。其得猴兒李。所誘南侵意云。李者卽指揮李懷也。

敗降於虜。稱爲平章。號令諸部落最強盛。兵部乃頒重賞。世襲之令。以購之。而執其子勇家屬。安置於湖。乃命都督劉暉。太監張忠。統桂勇西官廳千人。人賞二金二布。繼命左都彭澤。提兩路。率京兵六千人。以防澤。乃請曰。臣昔中州。西川討賊。紀功。則有科道。摧鋒陷陣。則有總兵。非臣所獨理也。今虜勢較流賊。旣懸。今臣一出生。提六千未練之卒。亘兩路千數百里之遠。當十數萬之賊。寥寥兩叅將。何能濟。詔如所請。以成國公輔。

朱

總戎焉。撫臣王純塘報。虜多至六

萬大帥濟浩。禦之賈灣而敗。衆寡不敵。且以自効。兵書王瓊駁之。純初自謂宣不煩發兵。及遭充斥。顧嬰城而回護其狀。應俟事寧。勘處十二年秋。車駕出居庸至懷來。及宣一帶遊獵。大學士廷和楊等屢請回鑾以安衆心。舉正統爲鑒。不聽。時江彬挾上自恣。始誘爲西北之行。旣幸宣。遂營建鎮國府第。時時夜出。見高門卽馳入。召其婦女。于是富民厚賂彬。爭以求免。久之。樵蘇不繼。至燬屋廬焉。上幸大同復過宣。遂迎春于宣府。歲暮還京。十三年。車駕復幸。

宜府行宮已成。糜費億計。更輦豹房所貯諸玩及巡遊所收婦女。實其中。上樂甚。稱之曰吾家。蓋彬怙寵。計諸幸臣。不得近云。十五年虜駐把兒墩。朵蠻紫牛心山。幾三十里。部議都督邵永。叅將楊玉。都督朱洪。各軍昌黃間。仍令宣城伯鐸衛南寧伯良毛各營千人于白羊。而在京之十一營。各選三千。聽太監孫和以時調。嘉靖五年虜從大同及宣。都督傅鐸禦之而遁。上勅獎之。六年虜犯宣中路水地莊。叅將王經領援力戰死之。三月復寇大白楊。叅將關山戰死。

御史杜民表以聞。因劾巡撫周金太監王玳總兵傅鐸副總時陳諸失事狀。上以一月連喪兩師。切責戴罪。仍命起侍郎馮清提京軍以往。而周金請緩京軍。惟調遼東延綏二枝足矣。詔令清卽領其事。值宣米價翔貴。大軍苦之。守者酌給折色。石增七錢。軍大譁。共詣侍郎清。諄諄侵辱。清許之曰。本折兼支。其可。衆乃稍定。戶部曰。軍容暴肆。非專在饑。往甘肅大同之譟。可戒也。領軍嫌隙互生。授意犯亂。豈爲體國恤耶。上乃申命其律。七年虜五萬入大白楊。大

趙瑛副帥時陳拒於雞鳴山。魏祥劉越郝鎮李彬任鳳皆集。虜遁上首功一十級。上嘉其功。冬滴水堡軍郭春小蔡旺等之爲亂也。都御史劉源清遣捕之不密。春等覺。遂燒草積二萬餘。而驅堡人登城拒捕。傷官兵甚衆。副帥劉淵執旗散其脇從。春等四人自刎。小蔡旺等十餘人就擒。縛送法司。以放火例梟之。劉撫以叛聞。而法司不太深也。諸卒初憤其負主所訴。環甲不服。官司慮生變。爲逐其負主。春等益橫。毆擊燒荒士較。僞號大王天師。云御史李宗樞條上屯。

事。曰宣大二屯。宜查清占者追奪。換鬻者改正。坍壓者撥補。給由驗對。力貧則上帖於官。別召種之。宣之順聖東西二城荒熟地。共三萬三千四百餘頃。團種之軍。因官之選補於各衛也。往來無常。所賦遂滑。乃預拔月餉。大失耕守之意。管屯之所未宜更調。詔如議。十六年虜入掠張家口。指揮趙鏜死之。十九年宣撫楚書言虜住沙窪。請調緩遊以脩。上諭其勿輕調。已而虜三騎突入。揮僉王勲易之。追之而陷。官卒二百餘人俱被殺。秋七月虜騎數萬人。萬全右衛。

大帥白鬱與戰於宣中。敗之。其分入者。副帥雲冒敗之。虜涉素乾河。半渡值雨。官軍急擊。又大敗之。斬首百六級。部言宣自都勲喪失以來。日坐不振。是捷近所未有也。上嘉之。各進秩。賚士有差。二十三年。宣撫王儀言。五路北則龍門。許衝中則大白楊。西則膳房。新開河。洗馬林。諸爲要。請得選良家。趨健敢死者。以三千聚本城。以一千聚萬全之右。以一千聚獨石之壘。仍繕械挑騎。而拔舊將李彬。童暘。江瀚。張點。令部署之。克捷者。重其賞。以三百金。超其三級。而遜懷。

者法無赦得所請。三月龍門之寇五百騎來。大帥卻
永副帥崔天爵。令滴水之劉環。前後夾擊之。盤道得
級十五。及陽口得級二十。有七虜復馳碓春。喬永取
其級九部。以捷聞。賜勅獎勵。總督翟鵬等各晉階。
王儀又慮獨石之險遠。可將松君二堡。修戍爲聲援。
且田極腴。我所當復。於此乘勢興之。報可。部發餘鹽
例一萬五千金予之。十月虜從把兒河抵順聖川。軍
于浮圖峪。于是紫荆戒嚴。上大怒。逮總督翟鵬于
獄。二十四年總督翁萬達奏虜酋吉寧答及俺答等。

先犯陽和。繼侵膳房。不得逞而迅行。必寇中北二路。給事中李文進奏報宣大二邊。侵餉數多。乞治諸臣之罪。內原任尚書樊繼祖十三人。郎中楊銳三十六人。揮司馬世彪一百二十人。得旨。樊繼祖。楚書爲民。餘奪降有差。萬達奏。頃歲虜犯。多由宣大之界。以入。自同之陽和。至宣之紅土臺。計一百三十八里。中有鐵裡鵲。鴿瓦窰。悉賊路也。自磨口從東北踰崖六十里。至于馬頭兒。抵宣西之陽和界。如此。則李信屯之兵。亦可併成兩鎮。共享其利矣。部議。鐵裏鵲。鴿瓦之

問。舊有二邊一道。可以扼塞諸途。何爲舍此大邊十餘里之牆而不爲。棄二邊百餘里之險而不守。乃復重築百三十餘里之勞。鑿山開道。工力相去。豈不百哉。上曰。守臣躬所相計。必與遙度者殊。其如萬達議。萬達又報曰。臣惟修邊爲守邊也。如不可守。修之何庸。新平北故有牆十里。築在山巔。不可用。汲其鵠。鵠阻絕岡厓。咫尺千里。是以臣欲改築于麓。爲易守故。非聖明獨斷。幾搖矣。上曰。從中改請。幾壞乃事。於是委總兵周尚文統之。大同陽和門山口一百

三十八里爲堡七。爲墩一百五十有四。宣府西陽河六十四里爲臺十。削坡斬崖五十里。工止五十日。向估三十萬省其一分。御史勘實之。周尚文乃奏。東口宣府。西陽河起。由天城陽和左右。平威井朔。至山西丫角止。計築牆六百五十餘里。收進虜占地土四萬餘頃。召軍一萬五千。分給耕種。資其養贍焉。詔曰。軍佃永不報科。九邊著爲令。先是薊撫郭宗臯報獨石有大虜焉。旣而無其耗。及七月。虜犯龍門。叅將董麒不報督府。而輒率所部勦之。斬三十餘級。其明日。

陳勲死于陣。吳陽戰二日乃歸。麒與坐營谷泰先還。遇郭都王浩于青沙。告以虜且去。罷歸。總督萬達劾之下部議。因責薊州譚張之報。而董麒谷泰不救勲陽之戰。而遇都浩之援。各治之。十一月戶部請發年例六十萬。于宣大三關糴糧爲秋防計。上曰。屢年大破常格。倍出不貲。耗蠹行查。遷延不報。且勿發。已而冊到。准五十二萬。予之。萬達奏曰。宣正遊奇兵四營。營各三千。分屯要害。立法周矣。近者撫臣儀帥臣永。拔其精銳五千。別立戰鋒五營。而統之以廢將。遂

致各營耗憊。及遇舉旗。復謂親兵自挾反。驅諸路兵。爲前蔽。士皆解體。且坐營李塘。前愆未贖。失律隨之。所宜問。上曰。新立五營。變亂兵制。卽令革罷。萬達更報秋防。曰。設險有常道。所貴因乎形勢。用兵無定術。所貴酌乎時勢。山西起保德州。黃河岸。逶邐而東。歷偏關。抵老營堡。盡境。實二百五十四里。大同起西路。丫角山。逶邐而北。東歷中北二路。抵東陽之鎮口。臺實六百四十七里。宣府起西路。四陽河。逶邐而東。北歷中北二路。抵東路之永寧四海冶。實一千二十

三里。共一千九百餘里。皆逼臨胡虜。險在外者。所謂
極邊也。山西堡老營。轉南而東。歷寧武。鴈門。北樓。至
平刑關。盡境。約八百里。又轉南而東。爲保定之界。歷
龍泉。倒馬。紫荆之吳王口。神箭嶺。浮圖峪。至沿河口。
約一千七百餘里。北爲順天之界。歷高崖。白羊。至居
庸關。約一百八十餘里。共一千五十餘里。皆峻山層
岡。險在內者。所謂次邊也。外邊之地。有險夷迂直。總
而較之。則大同最稱難守。次宣府。次山西之偏老。分
而言之。則大同之最難者北路。而宣府之最難者北

路也。山西偏頭關以西五十里。恃河爲險。偏關以東之百有四里。則畧與大同之西路同焉。內邊可通大衆。惟紫荆寧鴈倒馬龍泉平刑諸關隘。邇年以來大虜屢寇山西。必自大同入。侵犯紫荆。必宣府入。未有不經外邊而能入內邊者。唇齒戶堂之喻。蓋以是耳。邇來之族。驚忿雄捷。出於風氣。以騎射爲本業。專于技而無待之教。戰鬪之事。人人能也。而我事隸於羣牧。業分于四民。百一爲兵。勞於訓習。習且弗專。故多弗精也。彼聚寡爲衆。乘時而攻。我散衆爲寡。畫地而

守。攻。無。定。勢。所。貪。嗜。疾。馳。而。逐。之。飄。忽。如。風。雷。守。有。定。形。遇。賊。必。齎。糧。負。甲。而。隨。之。瞻。顧。而。狼。狽。彼。去。文字。簡。號。令。進。無。所。驅。退。無。所。懾。而。我。則。議。論。多。端。號令。多。門。退。進。由。人。上。下。牽。制。令。併。力。以。守。要。益。兵。以防。秋。事。勢。所。必。然。矣。山。西。之。舊。發。四。千。五。百。禦。于。大同。者。所。以。保。三。關。也。初。無。分。地。擬。守。之。議。頃。因。虜。越。同。入。西。遂。誤。以。同。不。足。恃。乃。獨。築。寧。鴈。以。東。至。平。刑。塙。八。百。里。掣。同。之。班。以。守。之。繼。增。太。原。七。遊。及。募。丁。僉。壯。之。衆。已。六。萬。人。所。謂。財。匱。于。兵。溢。力。分。于。脩。煩。

者也。宣亦創于虜。盡調專于西中。而北路空竭。復徵之于遼陝。此五六枝者。以百四十萬計。費既不貲。難于持久。併守之策。所以爲善經也。守堡者各有分地。不必叅錯徵發爲勞。秋高虜退。若復泥往規散。處城堡臨時動調。近數十里。遠或百里。倉卒令營首尾不應。則擺邊之當預也。山川之險。險與虜共。垣塹之險。險爲我專。我恃其所專。而奪其所共。則修役之當績也。夫出塞襲擊。試兵習攻之術也。虜牧于邊。未窺我塞者。將卒各得擇奇。擣其輜重。所謂小戰之利。大戰

之始也。上俱如擬行。二十六年。萬達定全支間支之規。酌兵糧道里之遠近而約之。曰。宜三十萬有奇。同五十三萬有奇。山西二十四萬有奇。著爲令。宣撫孫錦奏報夷情。踵至。乞于年例之外。發帑以支。戶部執奏。自二十年來。宣大餉獨倍他所。續請帑藏已百二十萬。邊臣例外求增。非所敢知。上乃令萬達錦各自陳狀。誠之曰。邊臣恣爲侵漁。無體國節財之意。其各奪俸。二十八年正月間。大同偵虜。曾俺答等糾衆。將由去秋舊路寇宣府。總督翁萬達以宣府總兵

全邊略記

卷三

趙卿尫懦。恐不能當虜。疏請預調同帥周尚文代卿。至二月賊果以數萬騎犯滴水崖。指揮董暘江瀚唐臣張淮等俱戰死。虜遂南下。駐隆慶石河。遊騎分窺東及永寧。南及岔道。灰嶺柳溝大小紅門諸口。遊擊王鎰袁正遇虜於隆慶州橋南。與戰却之。士氣稍振。虜移營向南。周尚文提大同兵萬騎至。南路將田琦率騎千餘來附。與遇於曹家庄。搏戰竟日。相持未決。次日復殊死戰。斬酋首四。奪其旗。賊氣頓沮。會萬達督西路將姜應熊等。自懷來順風鼓譟。揚塵而東。虜

不測。以爲有大兵至。結營東遯。宣帥新任趙國張聞。警馳關。至岔道簡孫勇兵千餘。迎賊於大滹沱。敗之。遂與尚文等分道追賊。復擊敗之。虜狼狽夜遁。于是萬達以捷聞。因言虜狃於去秋得利。知宣將不足忌。非時大舉。垂涎關南。其氣甚惡。幸偵報早聞。先期徵發。一時諸將能奮死抗彼方張。使不得南矚居庸。西下洪蔚。扶死宵奔。而尚文功猶稱奇絕。至於慢令偵師避災。擇便諸臣。則罪有不可逭者。臣謹寃竟其得失之故。列上始末。惟皇上賞罰之。上曰。尚文加

太保兼太傅。萬達晉尚書。翰賜臣淮先賞三十兩卹錄其家。孫錦罷。歐陽安等法司訊治。輔臣嵩廕一子。曩者五堡之變。有旨曰。內閣臣及兵部科紀功官。不得以軍功敘錄。著爲令。居無何。分宜蒙首褒焉。先是二月虜擁衆寇宣。束書矢端射入我營。及還我虜人。仍乞貢。二年來虜意切。萬達具戰歎利害以告。屢降嚴語。至是萬達不敢匿塞外情。而上仍謂邊臣不能隔阻。輒乃責告。然虜耻貢事不遂。又以前使者被殺。故但歸掠射書如此。累入得利。習我弱。詞駕

驚有要挾意。非復數年前遺婉。狀矣。迨秋虜果復來。明年遂犯闕。下一一如其所言。翁萬達奏曰。今日形便。重宣大以數警也。往年虞山西。近時虞京後。何者虜情不常也。往年急太原。內邊之修。外邊之築。今時急隆永。則皇陵之後。神京之外。其所以培植根本。慮者可憚勞哉。虜患猶水。設守猶隄。諸隄悉成。則漸成隙漏。諸隄未備。則先注空虛。乃今則已注宣之隆永矣。以二路邊計之。東路起四海冶。南墩而西。至永則界盡。北路起滴水崖。而北而東而南至龍門。

城則界盡爲邊。凡千七百里。而二路馬步官軍防秋。擺邊者。僅得二萬有奇。乃復守南山三百四十里之邊。兵分備疎。虜潰外防。則隆慶永寧之間。倉皇騷動。南山諸口山梁。多可漫走。我力不禦。則畿輔內地。不免震驚。九月虜三萬入河楞。掠萬全。左總督郭宗臯禦之。賊引而東。未行散掠。兵書翁萬達策之曰。虜若從鎮城出。深井掠順聖蔚州。則總督麾下足相待。又南而紫荊亦已有備。若從出鷄鳴趨新舊保安。逼沿河圖爲南下。則宣北東二路。方與金字河長水與賊。

相持不得離次。而南山隘怯可虞。第聞督府已摘勁兵。由間道遠出賊前。以截東向。而扼關南。似爲得策。總兵趙國忠與虜相持于嶺堡。西將趙臣尾之。同帥陳鳳裨將林椿焦渾張騰合追至鵠兒力戰。會大風雪。虜退還營。次日復戰之。出境。二十九年。虜糾諸部大舉至獨石。遂駐金字河。官軍拒之。兩河口不得入。遂犯薊直都下。三十一年。撫劉璽言。自開互市。大同寇盜不爲衰止。而宣府宴然。今乘其効順之機。撫之易耳。請無拘臣。以一年兩次期。絡繹開市。羈縻虜情。

於國計甚便。部覆璽議可行。但原價無過五萬。馬無過五千。若能守此。雖一年數市。亦當聽之。報可。初虜守我約不之絕。近益驕。方市于張家口。越日而肆掠。巡按蔡朴請罷之。上曰。邊市悉禁。敢有效逆建言者。斬。虜犯青山。遊擊孫邦丁碧戰却之。各被重創。尋又犯深井。副總郭都沒于陣。御史劾奏。大帥吳鼎得旨。主將發軍門取死罪狀。勦虜立功。賜都祠祭。三十五年。虜犯黃王梁。遊擊張紘率陳徭繆策等迎戰。死之。三十六年。寇犯馬尾梁。叅將祁勉追之。陷伏中。

姚登雲戴昇皆死。部議奪大帥李賢俸。宣府邊外屬夷。日求內徙。撫臣議處之于寧遠堡中。事久不決。總督尚書楊博。以此爲皆邊境安危所宜亟處。但大同禍已燃眉。當救一時之急。宜薊患在厝薪。當圖萬全之計。乃建議請罷懷來叅將劉環。四海冶守備韓鑑。而于獨石城中選有勇謀爲衆所推。如尚表者。不拘見任廢棄。委之守城。功成一體陞賞。其薊鎮入衛兵俱聽宣大督撫官便宜調遣。先發後聞。與本鎮互相應援。仍多設戍兵于懷隆。爲居庸南山之蔽。屬夷來

降者。但厚其賞給。不得縱之入內。以啓亂華之階。上俱從之。三十八年。虜犯東西二城。凡十日。會久雨。乃分道自丁零引去。四十二年。戶部奏。宣府四十年所上計簿。中間侵虧浥爛之數。以千萬計。而往歲新收籍內。未見一追償者。姦商百計蠹其中。官司多不能發。已發者復不能追。弊將何紀得。嚴旨。于是督江東撫楊巍。條議主客盈縮事宜。主兵之費。自十八年以前。歲用年例京運。淮蘆鹽引。河東鹽價。各省民運。及歲徵屯地圈種之數。其本色二十八萬八千一

百七十八石有奇。草二十二萬七千三百七十束有奇。折色八十二萬六千五百七十九兩有奇。迨三十年來。或以新募軍馬而增。或以歲用不敷而補鹽。或以增減芻糧而加徵運脚。遂至多三十二萬三千二百餘兩。臣等詳察弊源。十九年以前。軍馬未必盈於八萬之額。時且歲豐年登。民運交至。鹽引復皆報中。故雖有慮患。猶足濟用。三十年以上。邊地之豐。膏腴常民屯之。逋欠日甚。鹽引之報中漸少。而軍數且日加於往。非新增之。裒益於其間。其勢必不能給。客兵

守牆煩費不貲。而出塞尤甚。一歲之支。至有四五十萬以上者。夫惟預發召買。則出納漸入準繩矣。八月虜酋黃台吉。帥輕騎自洗馬林突入。散掠田禾。暗莊堡總江汝棟。以銳卒二百。按伏堡中。不知其爲黃台吉也。出而搏之。黃酋驟騎直前。我兵奮挺擊之。墮馬。俛獲之矣。爲其部衆致死奪之去。我兵得其盔刀而還。陣亡二十人。虜亦有傷者。詔擢汝棟三級。賞千金。陣亡者各襲其子二級。是役也。黃酋重傷。昏冥。越日乃甦。自是懼不敢犯邊者數年。隆慶元年。總督王

之諾。奏南山之合河口。一切山險皆屬薊。而宣皆斷岡平麓。雖設聯墩。不爲固。其地乏水。戍者苦之。請以步千人助薊。使薊得宣兵。宣得薊險。薊督劉燾報曰。薊部署已定。不俟增兵。且聯墩已成之業。宣不當輒棄。部主燾議。因覆議南山戰守之策。曰。薊自白羊長峪橫嶺鎮邊合河。延袤八十里。宣自幫水沙嶺瑞雲大石板塔廟灣至合河。延袤亦八十里。皆南山之險也。薊募三千。統以叅將。宣募一千。隸之。詔允行。王之諾。以宣大招回擄者。宣帥馬芳同帥孫吳等功。故

事總兵以七百人。叅將四百人。守把二百人者。各陞一級。各如所叙。二年總兵馬芳出獨石二百里。襲虜于長海子。敗之。虜追及于鞍山。芳又敗之。前後擒斬八十餘。馬稱是。上賚蔭芳。總督宣大陳其學。條上南山事宜。其畧言。岔道以東。自青石頂至四海冶。火烟山。宜乘春築臺于柳溝諸處。水口濬橫一道。壕外設石欄。欄外建大石墩。以分殺水勢。其張家等口。併修之。道路禁軍民毋入山樵採。岔道以西。自青山頂至合河口。爲墩臺一百九十有七。宜及時脩補之。大

山口迤東一道。爲暗門者六。咫尺居庸。宜嚴加譏察。因薦叅將李官之能。其議悉允。撫臣冀練言河淮以南。歲以四百萬供京。河淮以北。歲以八百萬供邊。額雖有定。而酌贏縮。調緩急。法靡定也。請于內地舉常平勸借法。無事而能砥京。庶有事而不桂玉。至于諸塞。則慎按伏。罷老弱。預召買。時支放。優商賈。通主客。量本折。因時順人。而伸縮更易之。臣所計九邊士七十萬。可用三十萬。以乘障。四十萬。以列陳。必擇其敢力戰深人之士。勾於戶。募於市。以漸實伍。庶可以安。

四年御史燕儒宜奏記。國家建都幽薊。內設重關。外聯四鎮。周且密矣。四鎮中宣府爲京師北門。而羣醜盤據戶外。朝陽鞭于朔漠。暮飛矢于居庸。視諸鎮爲最急。延永之壤。南山之麓。陵寢倚焉。先年翁萬達以東北二路。邊垣幾七百里。兵少力分。擬于東路鎮南墩。與薊鎮所屬火礮墩接界。塞其中空。自北而西。歷四海治一帶。共脩外邊一道。又自永寧墩至陸臺子墩。創修內垣一道。與北路新牆聯而爲一。經營二載。功始告成。千萬世利也。嘉靖中葉。邊帥失人。虜多

深入。當事者苟且緩誅。創爲併守南山之說。而內塞
漸廢。顧遺蹟雉堞屹然猶存。所頽壞者十之二三。少
加修築。而於左掖龍門衛。楊許二衝。右掖龍門所滴
水崖一帶。厚爲之備。近蔽延永。遠護陵京。策之得
者。或曰。已守南山。何用此邊爲哉。不知南山接連居
庸去陵寢僅一舍。岡巒澗谷盤互交錯。無可駐足。
而懷延永保沃壤平原。皆在其外。虜若委轡長驅。結
營于懷永間。分兵肆掠。宣府諸城自潰。我兵跼蹐山
中。自成土崩。此棄宣府而無益于京師也。北路山谷

偏側。砂石窮堵。虜無所利。益垂涎延永。將冒險內逞。數年版築日舉。大邊已可據。復成內邊。則如金城玉壘。環繞陵京。虜逡巡于崎嶇。攻之不墮。掠無所獲。力倦謀衰。豈能抵黑峪。躍龍門。窺長安之嶺哉。此固南山而保獨石。信不誣也。從之。閏二月。虜酋黃台吉遣兵掠車夷。革固等帳房。夷衆以去。革固者。不知始所從來。嘉靖間。始流宣邊外。與史夷雜處。宣因撫之。爲外藩。然非故屬夷。亦往往爲黃台吉所掠。至是撫臣吳允奏言。革固種落。不過千餘人。其去留無足爲。

我輕重。業已使人詰問黃酋。令其遣還。但與史夷勢
同居齒。革固被掠。則史夷亦恐見侵。請於近邊閒曠
之處。令築小堡二三。以安插之。俾藏老弱。其壯丁聽
于近邊駐牧。部議報可。劉良弼又言。撫虜與賄虜異。
虜誠心效順。吾因而字之。曰撫虜。扣關呼索。吾苟且
應之。以祈免禍。曰賄。不察順逆。不衡是非。使人眩于
名實。則恐今日撫虜之資。爲他日賄虜之計。甚者借
啓釁之言。掩養亂之罪。其勢積衰。爲害滋大。請假邊
臣便宜。度誠僞。審事機。順則撫之。逆則拒之。或東西

侵卽奮力擒斬。無得奏聞。雖小有損失。無得重治。但不令將官債事。以致損威。此議戰之大略也。夫宣大爲京師藩而獨石爲宣屏。龍門赤城一帶。又獨石咽喉。猝有警。難于應。非預積糗糧。何以拒守。臣謂獨石馬營八城。宜蓄一歲儲。以守爲戰。中東西南四路。宜蓄數月儲。以戰爲守。此議守之大略也。五年把漢那吉旣還。誓保塞于雲中。俺答爲其弟昆都哈力請封。授以都督。續市于張家口。巡撫孟重臨其盟。六年老把都以病貢與市。皆不至。邊吏疑之。曰把都與土蠻。

婚媾久。今或背盟。行且舍宣大而圖薊遼。或舍薊遼而圖宣大。皆不可知。亡何。昆都哈力吉能東山各病歿。酋婦一克哈屯猛可真。疑爲漢人魘死其夫。而俺答遂失左右手矣。萬曆元年。青把都偕永邵卜旣續貢。撫臣吳兌請晉青酋以都督。時土蠻大肆于東邊。御史孫綜奏記。老把都妻若子。爲三衛姦夷所誘。疑我毒其夫。而永邵卜小酋偶死。其疑亦與酋婦同。深慮青酋數往俺答營。夫豈不能約束其子若侄哉。而陰縱兩酋爲亂。繆爲恭敬。挾我厚施。不可長也。三年

張居正論邊事。曰。昨巡撫張學顏報稱。達賊二十餘萬。謀犯遼東。臣卽面奏。暑月非虜騎狂逞之時。今據薊鎮總兵戚繼光。揭稱諸酋已散。及臣使人于宣府。密探西虜青把都動靜。則本酋在巢住牧。未嘗東行。夫兵家之要。必知彼已。審虛實而後。可以待敵。今無端聽一誑傳之言。與風聲鶴唳何異。萬一彼嘗以虛聲恐我。使我疲于奔命。久之懈弛不備。然後卒然而至。是在彼反得多方以誤之之術。而在我顧犯不知彼已之戒。失事必由于此。兵部以居中調度爲職。一

聞奏報。遂爾張皇。事已之後。寂無一語。謂足以了本
兵之事。不可也。四年。打刺明安兔。獵至膳房堡盜邊。
副帥賈國忠。使問順義王。罰治之如法。青酋與屬夷
討孫卜賴有隙。因其壻長昂以報之。卜賴遂降。連年
治兵。獨石外邊。請加市馬數。與順義王埒。督軍門吳
允折之曰。爾歲得稱金。吾將軍足矣。七年。御史安九
域奏互市之初。虜馬在上谷。不及二千。今已增至二
萬六千矣。青永貪甚。吾上谷其曷能支。九年。部夷銀
定。倘不浪。逐水草于馬營。擄我松樹堡卒。裨將曹祿。

見爲貢夷不加兵。旦日諸夷復獵獨石。滿五大磔氣。擁衆入大東溝。總兵董一元遣通士尾之。捕磔氣尹。兔賴繫之獄。都御史張佳胤。誚讓虜王。絕滿五大貢市。使馬應時馳虜營。俺答伏過。遂除其酋長所犯名。酋有脫脫者曰。此吾等爲之。今免段奈台吉官。願罰脫脫馬牛一百六十餘。總督鄭洛會奏。復其官。與貢市。兵書梁夢龍覆其事。賊夷免死。付之以夷法。其託託兒等。賞之。十三年。猛可真盜邊。總督張佳胤遣路將李如楨問青酋。青酋傲而應之。佳胤決策行勦。謹

斥堠明烟燧。久之閉關。諸夷咸困。怨青酋。乃與長昂婦東桂款塞上。請除罪。而順義王因求增卜失兔市賞焉。哈不慎。屢寇遼。不利而悔。乃遣挿漢我不良。牽馬牛羊赴張家口告罪。總督鄭洛曰。恰酋敢于呵喝亡道。今不躬匍塞。而遣衆要挾。託名講賞。且犯遼罪重矣。非羊牛所可贖。益閉關不許。哈酋聞之。獵雲川。兩河口入鎮安。傷鹵百餘人而去。守備李春不之敵也。洛與撫蕭大亨。羽檄徵兵于龍門所。裨將李迎恩等兵出北柵。劉葵監其軍。至舊庄遇哈酋。噍之。而陳

師獨石。哈酋遣海左右來款。我折以詐。與戰數合。追
八十里。虜退敗。走大沙窩三間房。乃丐白洪大黃台吉長
子求款。于是哈酋青酋七慶酋白酋各還所鹵百六
十六人。因道鎮安之役。以講賞也。而李守備誤以爲
亂。多遭殺戮。乞太師哀矜之。總督洛請于上。命御
史徐申驗問。檄通官羊羔兒等。布告諸犯者。必罰治。
哈酋如法。然後可。順義王率諸酋長。遣五磕氣會長
昂亦遣陶拜來。皆冒雨暑。待命境上。洛親臨獨石。數
其負約。辯折之。唯唯叩頭。哈酋罰駱駝十。馬牛羊千。

大書番漢文字誓天誓質。乃許諾。諸虜大喜。兵書張學顏覈其狀。詔賞乞慶等金幣。其哈不慎貢市與復十四年。青把都復治器。縱諸部。那詭至獨石城。擺言大卜落等。至張家口。頃之復罷。上谷卒出邊。樵蘇道逢段奈台吉部夷。我兵執而僇之。磔其尸以殉。鄭洛廼條對。以爲此道上行夷也。我士卒何與。直欲以明威。此太過。且恐異時此酋將率衆寇擾。亡已也。十五年。侍御孫愈賢疏。邇者青永諸酋市馬無定數。通事牧夷官因緣爲姦。今宜著爲令。上谷二萬匹。雲中

一萬匹。母得踰溢。耗我軍實也。下鄭洛議。其部落打刺明安等繁且衍。倉卒損減。慮召之尤。遂寢其說。十六年。段奈吉復寇白楊堡。略男婦馬卒三百有奇。新平將管一方匿其事。爲給諫張希臯所按論。免其官。頃之。扯力克及青把都。罰橐駝牛羊三百。輒悔過。兵書王一鶚。復請與段奈吉之舊職。而賚青酋以金幣。三十七年。巡按吳亮奏記。宣大自款貢來。三十餘年。敕寧臯修繕。懇闕然而未可恃也。臣躊躇其間。白言之。賞曰宜革。順義之賞曰宜停。卜酋倫序當立。保結。

已投素囊。屢肆阻撓。不諧婚媾。非欲爭立爲王也。不
過借娘子之名。攘虜王之頒耳。額雖無溢。費實不貲。
一年停封。一年冒賞。彼何所忌。而擁戴小酋。肯歸命
乎中國。雖不藉虜之封。不問虜之家。而封不成。局不
結。已傷大體。尤釀隱憂。我何所恃。而素囊使用命。陽
請求而陽宣諭。暗加賞而明剝軍。白頭之表文。可以
屢上。則欽賜之玉印。終夷於草介也。酋婦之主款。
許以全賞。則勅封之王子。竟同於贅疣也。制曰。
茲飭哉。四十年。薊督薛三才。巡撫吳崇禮。之請復貢。

賞也。去秋西虜啞拜犯墻子南水谷。已停其賞。一旦
憬然悔罪。獻鹵倍罰。戎心亦戢。准令開復市于宣。可
之。五月宣大督涂宗濬報嗣封之禮成。拜勅受賞者。
卜失兔。五路素囊。把漢比妓兒。慎擺腰。猛克耳。六把
兒。慢也。西僧者。哀乞蓋朝兒。計喇麻也。地則晾馬臺。
得勝市也。漢大吏。則宗濬宜撫石崑玉。同撫汪可受。
羣晏于清朔樓。鼓吹大纛。以前龍亭。虜王歡若雷。四
叩頭者。至三。蓋卜失兔。序應嗣封。而素囊陰據忠順
之遺財。橫搶卜酋之毳幙。臣等重申款約。復覩中國

之威儀矣。卜失兔封忠順王。把漢比妓兒封忠義夫。
人各給獅紵有差。御史劉廷元以爲支吾而釋擔也。
宗濬復奏曰。自五路台吉物故。而後卜素二酋相爭。
未決。丁未迄爭。天阻其嗣。封五歲矣。宰生台吉。五路弟
聰明恭順。諭令糾諸部而解其紛。蓋糾部以鈴素樹
疑以制卜。外相合以尊中國。內相離以批其腹。此密
機也。四十四年七月。巡撫汪道亨奏卜石兔來白海。
子初八日與滿冠正娘子掛撒袋合婚。夫卜素相持。
已四年所矣。實利茫然。今役也。欲借明暗之兵威助。

其一臂。故不難自河西。突如其來。結合東部。遂遣通夷謀之。四十五年三月。巡按周師旦。奏宣獨石堡。雖稱開平衛。其實非也。開平老上都。去邊三百六十里。自陽武侯祿。薛盡棄以界虜。改畫獨石一隅。懸入虜地。如撐孤拳。屬夷互市。直闖入城。盤桓數百。臣方慮其奸人囊橐之。而騁其遊魂。煽憂大也。訪之果得范雄李英。密據爲奧。禁鐵恣馱之罔忌。中情外輸。擒二奸。而城中空犬羊之跡矣。道臣薛國用商之。宜築二堡于關之外。每市期至。則啓關而整備之。一堡以居

寄客貨。一堡以安置市夷。交易而退。各得其所。如擅
入柵口暗門者。以軍法治之。鳩其費。糧三千一百石。
有奇。料價二千六百有奇。督臣吳崇禮。僉曰。獨石南
翰赤城。東扼鎮安。西直馬營。實係中轂。建堡嚴夷夏
之防。廓如也。報可。四十六年二月。宣撫趙士諤爲援
兵請餉。曰。精銳三千之派。謹奉明旨。道臣杜承式
胡思仲薛國用。戎臣劉孔胤共簡之。前次已挑健丁
三千馬半倍之。甲盾稱是。今復募選部牒。每兵三兩。
啓行已需萬金。而山西大同。人各五兩。衆口嗷嗷。不

得其平。豈能無譁。且素酋聚衆。未嘗忘我東鄙。打利諸酋。貪餌搖尾。見東事而懷野心。新餉一日不至。則舊糧一日不除。舊糧未除。則新軍不補。累吾宣矣。總督吳崇禮以虜情聞。曰。獻歲虜王來歸化寺。素囊持其寺鑰。王子怒而回巢。自去年秋七月。卜失兔移帳于白海子。與滿冠正娘子合婚。今驟來而驟去。兩酋之言未決。欸貢亦無期。互牽羈市。雖其家事。亦邊鄙所得預也。四十七年四月。援遼調宣。兵前後五千。其餉人六錢。安家未裕也。時三路喪師。軍心大惶。聚謀

放砲同號于撫道之門。寧死于宣。不願填河西鋒刃也。道則杜承式。撫則趙士諤。慰諭解之。加其行糧。兵部乃劾奏。領兵大帥劉孔胤。逗遛激變。請以軍律從事。有旨。錦衣逮孔胤。究之。別選能帥領其兵。天啓二年七月。永邵卜之不赴邊久矣。近扳漢卜兒素之地。復移幕于興和。約納西素。勾連哈喇慎。而挨生。台吉等。暗伏二萬騎于白沙城。裨將黑雲龍。裴應魁。偵之。宣撫王之臣。爲具塘報。六年十月。毛酋乞炭挾賞。而犯滴水之火。燒莊叅將張承憲戰死。七年五月。把

漢哈喇慎之地租舊屬于察漢兒。以講人口相隙者。滿五素幼時受養于察漢。今長矣。率部落歸其父世把都兒。而察漢不悅也。向白言曰。我欲得滿五素併其部落矣。張家口顧有如許王子耶。于是白言傳調宣薊諸部備之。而哈喇慎家衆首皆從奢兒城移于亦地都。而青把都等亦偵察漢犯獨石。未知誰仇也。乞火砲五百人爲衛。察漢兒者。卽虎墩兔愁也。擁十萬臨諸首。諸首求助于我。我應之。則逢虎之螫鋒。勿應。則棄哈之蠶食。非計也。兵部議陽讐之。而陰障之。

卒亦無譁

職方氏論曰。上谷之患委矣。宣障在興和開平。乃大寧棄。則援失。徙衛獨石。蹙國蓋三百里。是以宣險委虜也。薊障在南山黃花之間。而虜間從龍門滴水而入。則薊宣兩守臣。左辟遜謝。是以宣內險委薊也。虜從東西順聖川而入。邑人不誠。是又以宣內險委紫荊也。開平王克元上都。設衛開平時。置驛通道。太宗嘗曰。滅殘虜。惟守此。夫守此而紅螺白雲以北。與遼聲相望。豐洲青山以南。大同大邊。益遠斥埃。與唐

東受降城接。豈不固哉。嘗讀葉文莊盛著獨石八城

詩敘曰。上都西郵劇道。詞臣才士。往來皆有詩。然其地南棄而不治。故經居庸者。以出關爲口外。過長安嶺者。又以北至八城爲口外。孤垂狄境。爲特甚。文莊之修獨石。肅愍謙于之知人善任使也。鎮分五路。衝警屢至。三衛所伺。切于四海治。虜未能徑下長安嶺。則獨石屹如也。昔賢之論長峪鎮邊。兩城之募軍補之。浮圖箭嶺之防重之。茂山京操之士畱之。李信屯之。界堡築之。亦旣已見諸行事矣。其如地狹廢耕也。何。

哉。宣德時。空運之策。董以帥。役以卒。雖轉三百里。不告匱。景泰以後。取諸民力。民亦勞止。歲例之外。復行招羅募粟。斯乃可久。奈何荒壤沒于勢佃。支折違其農時。傳烽甘泉。始畫芻餼。敗乃公事矣。嘗稽儲牒。獨弘治中。可支六七年。何其豐亨。亦稱敢戰。夷陵至今。而援遼之役。譟始宣伍。上剝下焉。故也。宣變未有傷于土木者。睿皇復辟。顧賞闔振建之祠。謫其追効者。乃至從難羣英。死于胡塵之下。如英國輔大司馬野而下。數百簪裾。未及其裔。令人望鵑鶚雞鳴之地。

重歔歔矣。邊牆之難。惟上谷與榆林。上谷多磧。而榆林多沙。然猶可具畚也。上谷陶冶既弗勝。壘其石。則復于隍。